



KEMENTERIAN PEMBANGUNAN WANITA,
KELUARGA DAN MASYARAKAT

KENYATAAN MEDIA

PERTEMUAN BERSAMA MENTERI PEMBANGUNAN MASYARAKAT UAE DI DUBAI

Bersempena lawatan tiga hari ke Emiriah Arab Bersatu (UAE) bermula semalam, hari ini saya mengadakan perjumpaan rasmi bersama Menteri Pembangunan UAE, *Her Excellency* Hessa Binti Essa Bhumaid di Ekspo Dubai.

Perjumpaan tersebut berlangsung dalam suasana yang cukup harmoni dan melambangkan persaudaraan dua negara yang telah lama terjalin. Kami berdua berbincang, bertukar pandangan dan idea berhubung perkembangan kedua-dua negara dan juga kumpulan sasaran kedua-dua Kementerian yang mempunyai banyak persamaan.

Dalam perjumpaan berlangsung selama setengah jam itu, *Her Excellency* Hessa menunjukkan minat dan hasrat untuk menjalinkan kerjasama dalam aspek 'kepakaran' melibatkan program-program pemeraksanaan yang dijalankan di negara kita seperti program pemeraksanaan wanita, keluarga, warga emas, kanak-kanak dan juga Orang Kurang Upaya (OKU) di bawah Kementerian Pembangunan Wanita, Keluarga dan Masyarakat (KPWKM).

Beliau juga menyatakan Kerajaan UAE sentiasa menjadikan Malaysia sebagai penanda aras (*benchmark*) dalam aspek perlaksanaan dan menilai program pembangunan sosial negara mereka. Pada masa yang sama, beliau juga turut bertanya dan membincangkan peranan KPWKM dalam mengendalikan

program *Smart Start* yang dikendalikan di bawah Lembaga Penduduk dan Pembangunan Keluarga Negara (LPPKN) dan juga Jabatan Kebajikan Masyarakat (JKM).

Selain itu, sepanjang pertemuan tersebut, kami juga sempat membincangkan idea-idea dan juga perancangan kedua-dua negara sempena sambutan Hari Wanita yang akan disambut pada 8 Mac depan di seluruh dunia.

Saya juga cukup terharu apabila dimaklumkan menjadi **Menteri Malaysia yang pertama diberikan penghormatan di *Leadership Pavilion*** yang biasanya dikhususkan kepada ketua-ketua negara. Terima kasih Kerajaan UAE! Terima kasih *Her Excellency* Hessa di atas segala penghormatan dan juga layanan yang cukup baik serta mesra kepada saya dan delegasi Malaysia yang lain.

Hadir bersama-sama saya ialah *His Excellency* Konsulat Jeneral Malaysia di Dubai, Mohd Hasril Abdul Hamid, Timbalan Ketua Pengarah Operasi JKM, Puan Fatimah Zuraidah dan Setiausaha Bahagian Antarabangsa KPWKM, En R. Satish.

###

YB DATUK SERI RINA BINTI MOHD HARUN
MENTERI PEMBANGUNAN WANITA, KELUARGA DAN MASYARAKAT
22 FEBRUARI 2022

Disediakan oleh:

Unit Komunikasi Korporat

Kementerian Pembangunan Wanita, Keluarga Dan Masyarakat

No.55, Persiaran Perdana Presint 4, 62100 Putrajaya, MALAYSIA

03-83231088